



世界書局印行

景印
藻堂

四庫全書薈要

集部
第一四六冊
總集類





本冊目次

書名及撰人

卷次

頁次

明詩綜一百卷目錄三卷 清朱彝尊編

卷五十八至卷一百

四九三一

欽定四庫全書薈要

集部
明詩綜卷五十八

詳校官編修臣汪鏞

欽定四庫全書薈要卷二萬五百三十一

集部

明詩綜卷五十八

翰林院檢討朱彝尊編

懋學 三首

懋學字君典宣城人萬厯丁丑賜進士第一授

翰林修撰追謚文節有郊居遺稿

王元美云先生詩文不名

一家縱橫捭闔
往往出人意表

靜志居詩話君典少任俠無精技勇能上馬舞
丈八稍嘗出塞縱觀飛狐花馬險塞突為驍騎

欽定四庫全書

明詩綜
卷五十八

追至幕南君典挾一矢命中其黨乃不敢追既
登狀頭是年第二人即江陵相君子嗣修江陵
方欲引以相助會奪情之舉君典貽書嗣修謂
相君天子師表奈何棄網常飽人以口實嗣修
惡不能答也又貽書李尚書養河辭頗激切養
河發書嘻笑而已君典適與吳編修子道趙檢
討汝師謀各上疏吳趙受杖去官而君典疏草
為人所持不果進然江陵業恨其異已而海內
皆服其風節矣君典四十而夭年壽不將命爾
而王元美作墓表屠緯真作傳欲傳會曇陽子
昇真之確至以妖夢厚誣光明磊
落之君典是豈愛人以德者邪

次別曾直卿太史

年來多病檢方書夢入雙溪把釣餘賈誼豈能收涕淚

嵇康元自愧羸疎翻愁草色春將晚却笑桃花錦不如
戀別可堪風雨夕江天搔首坐躊躇

署中聞子規

一片愁心託杜鵑望中隴樹斷蒼烟歸人只是歸難得
白髮相催又隔年

贈沈孟嘉訪開之湖上

初陽臺上紫雲停何處瑠簫入夜聽載酒看花歌白紵
直教明月下西泠

欽定四庫全書

明詩綜
卷五十八

二

曾朝節一首

朝節字直卿臨武人萬歷丁丑賜進士第三授
編修歷侍講諭德進侍讀學士少詹事升南禮部
右侍郎掌翰林院終禮部尚書謚文恪有紫園草

方正學祠

祠堂開木末宛在闕庭前縈經舊君服離騷絕命篇已
知心匪石肯汙筆如椽瓜蔓抄雖毒遺文百世傳

馮琦七首

琦字用韞臨朐人萬歷丁丑進士改庶吉士授
編修歷侍講右諭德左庶子少詹事升吏部侍郎
卒贈禮部尚書謚文敏有北海集

陳卧子云
宗伯經術

之士其詩雖未
冥搜亦能象合

結交行呈楊公亮時公亮止酒

寒不作堂上燕饑不作韝上鷹韝上威稜豈不峻一飽
即掣非人情親極難為疎貴極難為賤長平未罷賓客
去何必貴賤交情見君不見步兵厨君不見濬冲壚長
安車馬夾道趨雲雨翻覆無時無君今不醉胡為乎

欽定四庫全書

明詩綜
卷五十八

三

送伯楨侍御之川中憲副

間何闊逢諸葛行且止避御史御史今年三十歲鴈繡
翩翩帶金紫聖主真憂萬里外使君建節三巴裡刑天
舞干亦自豪精衛填海空復勞黃河懸水三十仞呼風
亂度難容舳嗟嗟王郎汝何往古來得失如反掌長安
大路多摧輪況乃蜀道青冥上蜀道之難難於天不如
歸問桑麻田振衣獨上三峰巔塵埃野馬何茫然君不

見鴈門菟郡伊與鹿南陽畫諾亦見逐世間萬事誰能
卜汝為遠臣恩已足

邢太保破倭功成以大司馬筦留鑰過家省覲太
夫人

雲霄漢闕頒新命豐鎬周京奠舊邦九列獨高蒼玉佩
六師爭擁碧油幢橫戈絕域春浮海擊楫中流夜渡江
聖主憂先根本計留侯籌策況無雙

恭陪聖駕步禱南郊紀盛

欽定四庫全書

明詩綜
卷五十八

四

龍武新軍罷勾陳御路開紅塵都不埽留待雨師來

題萬玉山房

本是瀟湘人最愛瀟湘竹何處丘中琴歷歷瀟湘曲

題關氏畫像

紅妝一隊陰山下亂點醅酥醉朔野塞外爭傳孃子軍
邊頭不收烏孫馬

送魏懋忠

擊筑高歌興未孤暫分離恨作歡娛不知後夜相思夢

得及今朝醉裏無

余繼登 三首

繼登字世用號雲衢交河人萬厯丁丑進士改
庶吉士授檢討累官禮部尚書贈太子少保謚
文恪有澹然軒集

詩話文恪古詩指陳時事鏗奇磊落卓然名家
其在容臺值國儲未建災變頻仍雷擊太廟樹
南都火太白經天秦晉齊皆地震西寧鐘不扣
自鳴紹興地出血公俱直言無諱先公冊封周
藩公詩惟以早煖為憂不失古人贈言之義聞
公先是使周藩渡河舟膠柁折公告于神曰使

欽定四庫全書

明詩綜
卷五十八

五

臣縱有罪神敢震驚龍節亦有佚罰維神實圖
利之禱畢而波恬若有翼舟以濟者斯亦異矣

送朱太史養淳冊封周藩

昔予祇行役驅車向中原中原饑饉餘氛祲日以煩白骨
亂如麻黯然消神魂朱門鬱蕭條哀哀諸王孫君今復持
節翩翩過夷門不知周子遺今有幾家存況今旱為虐五
月黃塵昏知君負經濟雅志念黎元當其授簡時應為廢
朝餐莫以董賈筆虛負鄒枚言願賡雲漢篇歸來達至尊

送張伯任都諫閱邊

開城古雍州漢家朝那地迢迢控諸番可以斷右臂一
從和議成關門久不閉無復念軍興祇聞增歲幣壯士
卧干戈邊城罷烽燧豈不息戰爭詎可消兵器藩籬不
復施豺狼日窺伺去年戎馬來三軍同日斃所過無雞
豚哀哉肆吞噬天子頻西顧疆吏盡更置君從掖垣中
叩閣數言事聚米悉邊情一一當上意藉爾青瑣賢出
作行邊使周覽昔戰場白骨尚委棄四野無人烟那能
不隕涕誓將廓垢氛何以壯軍勢君其賈餘勇時方待
高議好上金城略永垂秦川利甘學汲公戇寧顧漢庭
忘得君借前籌庶同指掌易

欽定四庫全書

明詩綜
卷五十八

六

放歌

余雲衢汝亦堂堂七尺軀二十脫穎薦鄉書三十挾策
計吏俱玉堂金馬此何地容汝久玷承明廬從汝執經
已三載天子不肯臨石渠吁嗟乎汝既無封侯骨拜相
鬚謾言虎可繡龍可屠屠龍繡虎竟何益況汝冥頑一
技無汝不見轅下駒一旦受君牧與芻為君萬里爭馳

驅少府金錢等膏血太倉粟米煩徵輸念汝何功敢竊
食十二年費官家儲去夏一病幾長徂汝今不去將安
需衛河之許茅可誅且營菟裘為汝居貴何須誇趙孟
富何須羨陶朱從今且自脫樊笱三家市裡逡巡酒五
畝園中轂觶車免使微名挂朝簿耕田鑿井歌唐虞

鄒元標二首

元標字爾瞻吉水人萬歷丁丑進士觀政日以
建言謫戍名授吏科給事中復以言事降南刑

欽定四庫全書

明詩綜
卷五十八

七

部照磨升南兵部主事改吏部歷員外郎中罷
起大理寺卿升刑部右侍郎終都察院左都御
史贈太子太保吏部尚書謚忠介有存真集

詩話先生晚總西臺入朝而躡御史前糾失儀
先文恪公進言曰元標在先朝直言受杖至今
餘痛未除也德陵意解此
事實錄不載附識於此

簡羅公廓給諫

老去交情重懷君意轉深廿年青瑣客同賦白頭吟突
兀千秋意蹉跎萬古心嚶嚶聞好鳥相喚出幽林

送俞定所起大名

久別相看慰所思
送君空有淚臨歧
黃沙白草無窮恨
不獨尊前感別離

陸可教 三首

可教字敬承
蘭谿人
萬厯丁丑進士
改庶吉士

除編修
歷官南京禮部右侍郎
有學士遺橐

吳宮引

姑蘇臺前烏飛絕
西施醉舞吳宮月
纖袿長袖香不歇

欽定四庫全書

明詩綜
卷五十八

八

銀燭金釭半明滅
羅帳流蘇四垂結
銅壺丁丁漏水咽

伍胥大夫雙臂裂

春日郊游

出郊時駐馬
物色澹春陰
偶爾耽幽賞
因之愜素心
人家隔水見
僧院入花深
似覺仙源近
迷津未可尋

陶山幽棲寺

萬山迴合隱招提
聞說鷗夷舊此棲
三策早知能霸越
千金何意復居齊
人尋古洞穿雲入
木落層巖聽鳥啼

欲向山僧論往事
五湖烟櫂至今迷

楊起元 一首

起元字貞復
歸善人
萬厯丁丑進士
改庶吉士

除編修
累官吏部右侍郎
兼翰林院侍讀學士

謚文毅
有家藏集

送黃雲崖宿州掌教

前月乘輜車
經過睢陽驛
慨然思古人
入城訪遺跡
西

去二百里
張許今廟食
秉彝在人心
誰不好懿德
君今

欽定四庫全書

明詩綜
卷五十八

九

涉淮流傳經
聚逢掖文藝
何足云
忠孝為標的
國家根

本地士風最
當植丈夫萬
世名
勉之在一息

嚴一鵬 二首

一鵬字汝化
無錫人
萬厯丁丑進士
除行人以

貴州道御史
按廣西以浙江
道御史按浙江以

福建道御史
按山東歷官刑部
左侍郎贈尚書

有二知軒詩橐

詩話尚書達尊居三特賜存問賦詩雖不多調
故清徹有長孫福孫最善易著易通義頗發先

儒所未發借未刊行其次中允繩孫也
尚書彙流傳者寡從中允所抄得之

吏隱齋懷孫龍涵

分袂愁何限開函喜不禁三年羈旅思千里故人心日
落梁溪暮花殘魯地陰天台如有賦雙鯉莫浮沉

清明日賈宏庵樓隱園社集

春風吹拂柳絲斜佳節相攜感物華共有錦囊題白雪
未須金管勸流霞人行磴道初如蟻日落湖帆盡載花
散步踏芳歸任晚城南猶有未栖鴉

欽定四庫全書

明詩錄
卷五十八

十

馮夢禎 十一首

夢禎字開之秀水人萬厯丁丑進士改庶吉士
除編修終南京國子祭酒有快雪堂集

詩話馮公儒雅風流名高三席歸田之後間娛
情聲伎第歌酒燕望者目為神仙中人詩亦不
蹈時習五古能盤硬語尤見意匠經
營同譜若沈君典厝緯真皆不及也

結交篇 有序

余少時友周生彥雲嗣交賀生伯闇庚午癸酉
余與彥雲相繼登鄉薦丁丑余以南宮舉首官

翰林中遭廢棄壬辰出山赴南司業癸巳擢掌

南翰其明年甲午伯闇始舉于順天乙未成進

士官行人而彥雲猶未釋公車功名之遲速變

幻如此今年丁酉秋余為南祭酒幾二年所而

彥雲自里中見訪時余苦疴方上乞骸之疏會

有詔使臨則伯闇也我三人廿年中離合不知

凡幾忽有此晤喜不自勝遂成此篇

憶年十五六眼空心膽麤三人笑相暱意氣凌萬夫轉

欽定四庫全書

明詩錄
卷五十八

十二

蓬三十年飛沉不同途賀子初牽紱周生尚公車劣余

最先達典曹山水都撫疾新乞骸逐疴猶向隅明主有

餘戀故人不我疎賀子忽持節周生未返廬三人共形

影嘉會在頃臾升沉豈有常離合難可拘努力崇德音

皓首願無虛

仲春湖上登覽與叔宗同賦

春至嘉卉榮氣和長薄絢遵渚洽淪漣升堤媚蔥蒨遠
近生態殊昏旦物候變高下柳盡舒參差桃始炫鳴禽

選秀木時女步芳甸朋儔或回睇舟陸詣所便勝情欣
有託日夕遺深眷

題東山許氏小樓

為樓枕東山山翠常滿樓非徒自怡悅亦以娛朋儔壁
月當綺牕白雲漾丹丘我來秋色晚不惜十年留南壩
如可闢蕪得狎野鷗

若下

夙昔眷幽溪于今凌漭漭引艇及朝曦滌洄淹夕漲乍

欽定四庫全書

明詩錄
卷五十八

十三

進離煩躡少馬益蕭曠岸仄交濃陰林缺露青嶂瞻岫
集遙姿睇連延狀改步款蘭疇陟憩紆迴望地偏俗
駕牢侶勝游蹤暢朱義不遽頽沉懽將無蕩

五十篇

四首有序

昔人云五十之年忽焉以至悲始衰也今歲丁

酉八月廿二日乃余五十懸弧之辰鑒止足之

分傷流光之駛有懷家園思投簪笏乃賦斯篇

五十忽焉至頽齡始自茲懸弧春秋辰稱觴來故知余

本靜者流夙好敦書詩散性在丘樊竊祿慙軒墀鐘鼓
享魯郊海鳥終不怡鍾阜洵云美豈若還山茨

山茨結林麓其陽面清池清池曲且廣高楊夾路垂層
樓貯圖史密室藏姜姬出門即湖山興到惟所之偶逢
漁樵侶談詭忘歸期人生行樂耳須富貴何時

富貴反多憂貧賤未足卑靈龜戀泥中雄雞憚為犧李
斯具五刑韋犬一何悲陸機西入洛鶴唳聽無期無才
足完身功高跡轉危所以賢達人拂衣恒恐遲

欽定四庫全書

明詩錄
卷五十八

十三

拂衣謝塵氛舊侶時相追披素詠新賞開帙渙所疑豈
不戀圭組天爵無磷緇豈不戀子孫清白自可貽觀民
計已極從道安足嗤申毫著斯文聊以適吾私

餘不溪回舟寄訊章元禮吏部是日雪

吏部才名舊瓊瑤昔見貽山川聞問隔日月鬢毛衰身
退仍憂國家貧但賦詩迴舟緣興盡風雪寄相思

珠簾洞

帝遣銀河垂虛簾蕩空淥我欲買娉婷問爾乞三斛

無題

琉璃硯匣鎮隨身彩筆揮來字字新他日長門如有恨
千金詞賦不求人

王士性一首

士性字恒叔臨海人萬歷丁丑進士除知確山
縣事擢禮科給事中終太僕寺少卿有五岳游

草

惡溪道上聞猿

欽定四庫全書

明詩錄
卷五十八

十四

惡溪不可涉地險亦何心石觸雲根出灘迴窟窟深繁
霜沙際白落月渡頭陰豈異巫陽峽清猿兩岸吟

魏允貞一首

允貞字懋忠號見泉南樂人萬歷丁丑進士除
荊州推官選授山西道御史歷官右副都御史
兵部右侍郎巡撫山西

詩話見泉以直節聞相傳其子廣微甫登賢書
來省其父見泉閉之廨中不許就禮部試曰此
破犂犢也一得志必騰我家聲矣後
果然詩近摘疎論者謂遜其弟懋權

岳陽樓

洞庭天下水岳陽天下樓誰為天下士飲酒樓上頭

徐桂一首

桂字茂吳長洲人居餘杭萬歷丁丑進士袁州
推官有大滌山人詩集

李本寧云茂吳咏物以六朝之才情具三唐之

格調馬仲良云自弁州歿而為航徐茂吳先生代興詩靡所弗工而詠物之章可稱名家詩話徐君詠物詩最繁富正如盈擔魔合羅僅供邨市癡兒騷女把翫而已

送義公結廬天台

欽定四庫全書

明詩錄
卷五十八

十五

海上栖禪境披雲訪石橋一餅依澗壑疎磬落山椒華
頂經年雪松門半夜潮預愁支遁去誰與共逍遙

張維新一首

維新字憲周汝州人萬歷丁丑進士除冠縣知
縣擢兵科給事中歷湖廣按察副使

萬壽節早朝

六位龍飛日千官虎拜年蒿呼聞漢殿華祝戴堯天綵
仗清霜肅金爐紫霧連不才班侍從跼蹐冕旒前

陳泰來一首

泰來字上交平湖人萬歷丁丑進士除順天府學教授遷國子監博士升禮部主事歷員外謫饒平典史泰昌即阼贈光祿少卿有員嶠集

詩話員嶠年十八舉於鄉十九釋褐歸娶賜內府金花燈籠知平湖事劉抑亭贈以對聯云秋進士聯春進士大登科後小登科鄉里榮之而公以氣節自許居太學忤江陵因三王竝封面質太倉於朝房又疏請建儲既因計典疏救孫繼請饒平典史陞辭就道賦詩有直道不緣三黜改孤忠或受九重知卒時年三十有六耳謫歸日夢至一山羣仙咸集賦詩云涼風拂拂白雲收宜海年年幾日休翦紙作驢輕撥刺桃花洞口笑淹留相與樂甚旁一仙云汝乾凌子也後一年當再會于此覺而以乾凌子自號踰年而沒

客中午日

客裏端陽也自娛呼童沽酒汎菖蒲家園咫尺汀蘆外
艾虎朱絲事事無

顧紹芳 五首

紹芳字實甫太倉州人萬歷丁丑進士改庶吉士除檢討歷左春坊左贊善兼編修有寶庵集

詩話實甫工於五律不露新穎矜錄以出之頗有近於孟襄陽高蘇門者

同公亮敬承茂仁郊遊

共道尋春好兼之出郭幽林塘三月暮休沐幾人游樹
樹陰初合溪溪澹不流從來耽野趣即此是滄洲

即事

小閣上干霄幽人野望遙澹雲清曉樹疎雨綠春苗天
閣前朝寺風多隔浦橋心期竟何託鐘磬日蕭蕭

喜陸彥先至

常憶秋風裏離尊共黯然所期寧此地相見忽經年白
眼時人過青山旅夢牽懸知有新語羞屬蒯緱篇

山亭閒居

豈有避人意經秋長閑闕蕭然松下戶對此城中山得
雨深林映隨雲倦鳥還漸諳丘壑理聊復養衰頑

舟行即事

願得三千里飛帆一夜還生憎衛河水十步九成灣
沈自邠 五首

自邠字茂仁秀水人萬歷丁丑進士改庶吉士

授檢討歷修撰有沈修撰詩集

蔣馭閣云先生詩風格端麗意

調諧適合乎風雅之正

送徐洪陽侍講使荆

送別青門外雙旌去路賒
楚天高擁傳江瀨隱浮槎
赤社開王胙金莖憶帝家
上林新賦就雲夢未應誇

白下留別賀伯闇

高閣經旬別孤帆
此日開風塵催作客
花鳥負銜杯細

欽定四庫全書

明詩綜

卷五十八

雨白門樹浮雲江上臺
相期不相見愁思轉難裁

送高蓋卿少參

驛騎花前發東風
二月過漢家新節鉞
秦地舊山河津

樹關門合春雲渭水多
西臺誰領袖咫尺望鳴珂

謁關忠義侯張桓侯祠

赤伏符難再三分志未伸
江山千古恨祠廟百年新
事

業歸龍戰飛揚憶虎臣
雄風今尚在灑淚向高旻

馬文莊公挽歌

美謚殊恩錫東園祕器分
濟時功尚在接武事仍聞丹

旄飛燕雪清笳斷隴雲西
州徒有恨曲罷淚紛紛

朱維京一首

維京字可大萬安人萬歷丁丑進士歷官光祿

寺丞有光祿集

度飛虹橋

鯨海遙涵一水長清波深處石為梁
平鋪碧甃連馳道

倒寫銀河入苑牆晴綠乍添垂柳色
春流時泛落花香

欽定四庫全書

明詩綜

卷五十八

微茫迴隔蓬萊島不放飛塵入建章

沈九疇二首

九疇字箕仲鄞縣人萬歷丁丑進士除刑部主

事稍遷至郎中以按察副使提學江西歷官江

西左布政使有曲轅居詩集

詩話箕仲以詩名重鄉里人有持所作謁文恭者輒笑曰家弟安知文奚不就我族父嘉則以豐對樓詩屬余君房論定君房報書云吾於詩僅窺其藩未入其室此事終當屬君家箕仲於是嘉則詩經其刪叙及掌江西左轄有中使來司權先檄諸長吏迎勅箕仲宣言曰勅諭中使

非勅守土吏也例不當迎中使為氣沮一日中使移書自稱予箕仲叱其使曰往惟高皇帝起吳時曾稱子若中貴人何敢爾中使大懼立造謝其直節自遂亦文恭所不如也

善哉行

今日樂兮來日可悲天迴地游入莫之知解一彼絃我歌

會少離多明星可掇蕭駕經過解二三十六輻輪輪相復

但惜馬蹄不惜車軸解三

雨中簡吳山人汝震時寄居鐵柱觀

倚柱看黃鳥窺檐拂翠條吾衰春亦去汝病興還饒山

欽定四庫全書

明詩綜
卷五十八

十

色樓中雨江聲郭下潮何如平楚外烟柳赤闌橋

楊德政 二首

德政字公亮鄞縣人萬歷丁丑進士改庶吉士

除編修出為福建參議遷副使調廣西陝西提

學歷山東參政福建按察使有夢鹿軒橐

苑田觀穫

南風吹城闕西苑鳴桑鳩帝畝雨露偏田峻職亦修維

時麥稼登滿地黃雲稠播植良苦艱喜見千倉收皇情

念民依感之紓殷憂願以庾廩資勤息覃遐馭詠哉七

月篇庶幾追成周

河西阻風戲示同行者

失路依依獨問津楊花飄蕩撲征輪東風正似郵亭吏

只解迎人不送人

蘇濬 三首

濬字君禹晉江人萬歷丁丑進士除南京刑部

主事尋改工部轉禮部員外郎出為浙江提學

欽定四庫全書

明詩綜
卷五十八

主

僉事歷陝西參議廣西副使貴州按察使有三

餘集

曉發界河

客路逢秋杪中原曙色分無情原上草不斷嶺頭雲醉

月懷梁苑觀風過汝墳楚天看漸遠何處問湘君

卧病

華髮星星短浮雲冉冉流客中千里淚夢裡五湖秋肺

病傷春盡商歌入暮愁浮沉君莫問大壑一虛舟

哭王恒甫茂才

何處悲風急淒然獨掩扉
斷雲空漠漠宿草故依依
一夢愁如昨千秋事已非
青山堪共老垂老忽相違

陸懋龍一首

懋龍字啟原鄞縣人萬歷丁丑進士除合肥知縣選授兵科給事中歷刑科都給事出為湖廣叅政

小院

小院幽陰似井間
風枝墮地點苔斑
何時鏟却重檐去
露出西南一角山

丁此呂一首

此呂字右武新建人萬歷丁丑進士歷官湖廣布政司叅政有世美堂橐

雨中望勾漏

迢遞策輶車言尋稚川子
風雨何淒其蕩然滌塵滓
濛濛山下雲泠泠峽中水
雲水幽以深徑路憑誰指
丹竈

突無烟白石徒齒齒至今不可攀
邈焉懷斯理我家西山陽許令實
同里玄都計非遙赤縣更伊邇
冲舉遽難期沉淪恒自恥孺子儻
可言請為公納履

周汝登一首

汝登字繼元嵯縣人萬歷丁丑進士除南京工部主事謫兩淮運司判官遷順天府通判轉南兵部主事出為雲南叅政有海門先生文錄

恭聞冊立皇太子諸王亦以是日受封志喜

欽定四庫全書

明詩錄
卷五十八

五

震索從天授年將德共宜尊師開閣早問寢出宮遲
太后殷勤訓諸王次第隨微臣棲隴畝萬里想威儀

孫成泰一首

成泰字允交平湖人尚書植子萬歷丁丑進士除知道州遷蘇州府同知入為刑部員外歷郎中升饒州知府調邵武再調福建鹽運司同知以按察副使整飭大名道

送尤司訓

送君湖上正斜曛楚水吳山咫尺分今日莫辭杯底醉
數聲風簾片帆雲

吳安國七首

安國字文仲長洲人萬歷丁丑進士除真陽知
縣調永康徵授刑部主事歷員外郎中出為寧

波知府升本省副使有葆光軒橐今是堂集

真云文仲詩語不必琢惟其骨勝辭不必靡惟其趣長才與情宣意將格會劉玄子云文仲

近體有大唐家法何科孝云文仲高不亢卑不抑導之泉注頓之山安

欽定四庫全書

明詩錄

高

詩話文仲純叔之子南夫之孫詩是家學其自序曰今之為詩者於一字之長短片語之巧張為吾黨侈為此道凌轢同列持撫前人逞傲誕之風長浮華之習蕩闊檢而不顧棄率職其若遺則詩之為靈甚矣蓋嘉隆之間習氣如是稍有學識者知厭之

遊武夷

十年懷名山薄遊未能至弭節偶茲辰探奇始欣遂層峰抱迴谷長林引深邃烟霞鎖冥濛指顧詫靈異玉函閔遺封勝跡符往記洄沿九曲溪溪溪落空翠水木澹澄暉冷風送餘吹登臨兩稱絕幽期愜遐企願謝區中

緣浮生永斯寄

秋日偕孫太史萬都諫王北部侯奉常趙大行郊

游憩禪寺得遠字

嘉辰值休沐晴郊恣游衍秋色淒以清深懷託所遣回
颺振叢樾間雲入幽巘眷言二三友同心自繾綣垂楊
十里陰清流一溪轉稍憩初地偏頓覺塵心遠歸鑪故
夷猶移觴欲忘返何當置丘壑一笑謝軒冕

領郡出都留別諸君

欽定四庫全書

明詩錄

高

明時忝嘉招薄游謝遠度孤衷夙寡諧恬漠有遐慕結
交二三子實以賢豪故覽古窮皇墳摘華託豪素本乏
希世資還甘守遲暮襟被辭舊廬分襟阻清晤徘徊戀
餘尊慷慨即長路

雲崢大邀登清源山

出門欲看山山翠忽在眼俄從平野登旋傍迴溪轉層
崖屢攀緣仄徑縱凌緬雲氣抱石幽烟扉隔林淺地主
何風流開尊向絕巘情同永嘉適藻擬宣城拱塵蹤有